

A Dios Su amor por wòrdu midí?

❖ Mas aya di loke tabata wòrdu sperá.

- Lesá for di konteksto, algun vèrsnan Bíbliko lo por duna nos e impreshon ku Dios Su amor ta variable (inkonstante), ku E ta stima solamente ora ku E ta sinti gana di hasi asina (Eks. 33:19).
- Pero laga nos wak henter e historia. Dios a saka Israel for di Egipto ku gran milagernan. El a papia ku nan personalmente for di Sinai i a pidi nan pa hasiÉ nan úniko Dios. Poko dianan despues nan a traha pa nan mes un bisé di oro i ta bisa, “ Esakinan ta boso diosnan, Israel, ku a saka boso for di Egipto!” (Eks. 32:8 NIV.) Dios ta bisa Moisés loke e pueblo ta meresé: morto (Eks. 32:9-10).
- Moisés ta roga pa miserikòrdia ku e pueblo no ta meresé (Eks. 32:11–13, 30–33.) Den e konteksto aki, Dios ta sigurá Moisés ku E “ ta desea “ pa tene miserikòrdia riba Israel (Eks. 33:19.) Dios Su amor no ta sigui e lógika di kousa i efekto(konsekuensia). Su amor ta sin límite; e ta konstante i inkansabel. Libremente E ta regala grasía, miserikòrdia, i kompashon asta riba esnan kende ta indigno di esaki.

❖ Un sumishon komplotu.

- Riba e Krus – e último demonstrashon di Dios Su amor – nos ta mira ku Kristu a duna Su mes pa nos di Su propio boluntat i iniciativa liber. Ningun hende a kita Su bida, pero El a ofresé esaki boluntariamente, siguiendo e Plan di Redenshon palabra(disidí) den Shelu promé ku e fundashon di e mundu (Juan 10:17-18; 1Pedro. 1:18-20).
- Kon leu nos amor por bai? Na e punto di duna nos bida pa un hende ku nos ta stima i ta desea fervientemente pa mantene bibu? Nos lo hasié pa un komplotu stranhero, òf pa un hende kende ta odia nos?
- Dios a stima nos ora nos tin nada di hasi kunE, i ainda E ta stima esnan kende ta odiE. (Rom. 5:6-8).

B Ta nesesario pa Dios muestra i risibi amor?

❖ Dios ta stima.

- E historia di Oseas ta muestra nos manera kiko Dios Su amor ta. Apesar di su esposa su infielat, Oseas a porden'é bes tras bes atrobe, i a sigui stim'é..
- Oseas ta representa Dios, i su esposa infiel ta representá Dios Su pueblo. Apesar di nos piká ku ta kontinuá i distansiamentu for di Dios, E ta sigui stima nos “ abundantemente ” (Oseas 14:4.) Kiko e ekspreshon ei ta nifika?
- E palabra Hebreo, nedabah, ta deskribí e loke ta wòrdu ofresé boluntariamente (tal komo ofrendanan boluntario.
- Dios ta duna Su amor, apesar ku E ta risibi nada bèk. Ki un kontraste na nos naturalesa egoísta! Kiko lo ta bo kontesta na e amor boluntario i generoso aki?

❖ Pa stima sin ta spera un kontesta.

- Dios mester a krea e mundu aki pa wòrdu stimá, honrá i adorá?
- Dios no tin mester di nada for di nos (Echonan 17:25; Salmo 50:11,12.) En realidat, kuantu asta ta rekonose ku tur kos ku nan tin, i asta nan bida, ta un regalo for di Dios? Kuantu awe ta alaba i gradisiE pa esaki?
- Amor divino a eksistí eternamente promé ku e kreashon di e universe (Juan 17:24). Asina, e kreashon di e mundu no tabata un nesesidat pa e eksistensia di Dios Su amor. Mas bien, kreashon tabata un aktividat boluntario divino ku a resultá for di e libertat di Su amor etèrno ku ta brota over.
- Dios ta amor, i E ta stima sin spera un kontesta. E ta stima esnan kende ta respondé na Su amor, i esnan ku ta rechasá esaki. E ta stima asina tantu ku El a hasi tur kos posibel asina ku Su kreashon, Su yiunan, lo por compartí ku Ne un bida di felisidat etèrno.

C Nos por rechasa Dios Su amor?

❖ Nos eskoho.

- Un rei ta prepará su yiu hòmber su kasamentu, pero e huéspetnan ta rechasa e invitashon. Otronan ta wòrdu invitá i ta aseptá, pero asta entre esakinan tin esnan kende no ta sigui protokol i ta wòrdu ekspulsá (Mat. 22:1-13).
- Hesus Su aplikashon di e parábola aki a guia algun pa kere ku Dios ta skohe delantá ken lo wòrdu salbá i ken no (Mateo. 22:14). Esaki lo impliká ku Dios lo duna Su amor na algun, pero lo tene (wanta) esaki atras for di otronan.
- E tèkst original ta enfatisá e invitashon i no e elekshon: “ Hopi ta wòrdu **INVITÁ**, i poko **TA ASEPTA E INVITASHON.**”
- Dios a skohe tur di nos pasombra E ta stima nos tur (Juan. 3:16.) No ta Dios Su eskoho, pero nos kontesta na Su invitashon, ku ta determiná nos destino.